

دار الفنون

حقوق فائز و لیترا مجبور

مقوق ، اقتصادیات

ایکی آیمه بر نشر الرنور

مندرجات

قسم حقوق :

تشکیلات اساسیه قانونه منافی احکامی احتوا ایدن قوانین حقنده قضائی مراقبه مسئله سی مدحت
یکی تورکیا حقوق مدنی سی تدقیقاتنه مدخل صاوزه رهال (مترجلری) دانش سعید ، صدیق سامی
مدنی وجیهه لرده اخلاق قاعده سی عبدالحق کمال

قسم اقتصادری :

استقراض و دیون عمومیه عینی زاده حسن تحسین

استقراض و دیون عمومی

مابعد

ثانیاً تقاسیط معینه سنویه . — دولتک خصوصی بر طاقم بورجلی تقاسیط سنویه شکنده عقد ایدلمشدر . دیون عمومی مزك مختلف عناصری تحلیل ایدرکن بو نوع بورجلی بولورز . شیمدیلک شوراسی اشارت ایدلم که دولتک شمندوفر قومپانیالرینه بورجلی اولدینی مبالغ ، خزینہ نک تودیعات و مرهونات صندیغه بورجی . . . الخ . . . حال حاضرده بودجه لرمزده تدریجاً بو صورتله اعطا اولونور . دیگر طرفدن ، بویوک بر نتیجه ویرمه مکله برابر، دیون دائمه نک ویا اوزون وعده لی بورجلرک تقاسیط معینه سنویه لی بورجه تحویلی خصوصنده کی انکلیز - یسته منک فرانسه ده دخی تطبیقی ایچون بعض تجربه لر اجرا اولمشدر . علی الا کثر ۱۸۷۵ تاریخنده (مورغن) استقراضنک تحویلی تقاسیط معینه سنویه لی دیونه مثال اوله رق ارانه اولمقده در . فی الحقیقه قرعه کشیده لی بر آمورتیسمان یرینه ۳۹ تقسیطی بر آمورتیسمان اقامه ایدلمشدر که ۱۸۷۵ ده دها ۳۱ سنه دوام ایدمک ایدی . آمورتیسمانک مدت دوامی بو عملیات ایله بالعکس تمید اولمشدر . بو عملیات ایسه بر مقصد مخصوص ایله اجرا ایدلمش ایدی .

شوبله که : اولا ۱۸۷۰ تاریخنده (مورغن) نامنده کی بر انکلیز بانکه سندن ۳۴ سته ده امحا ایدلمک شرطیله ۶ ٪ فاضلی تحویلات اخراجیله عقد اولنان بر استقراضی ۳ ٪ فاضلی بررانتہ تحویل ایلمک ؛ ثانیاً بو تحویل دیون ایله خزینہ به برتعویض تأدیہ اولونمسی و بو صورتله طولاشیق بر طریق ایله خزینہ دولته بر پاره تأمین ایتمک . بونک ایچون حکومت ۳ ٪ فاضلی رانتک پارمسی تودیعات صندوقلرندن آلردی . بو پارمیه ایسه مورغن استقراض حامللرینه تعویض مقابلنده ویرمک ایچون احتیاجی وار ایدی . صندوقه اولان بورجی ایسه ۳۹ تقسیط ایله اودر ایدی . بالعکس ۱۹۰۱ سنه سنده موسیو (قاریو) نک آمورتیسمان تجربه سی غایت واضح بر طرزده انکلیز قوبینه زونلرینک اوصاف میزه سی کوستر مکده ایدی . حکومت تودیعات صندوقلرندن تصرف صندوقلرینک جزدانلری اوزرتدن ۵۵۰ میلیون فرانق قیمت اعتباریه سنده اون آلتی

بحق میلیون فرانلق رانت آلمش ایدی . بو رانت احما ایدلمی ایدی . و دولت تودیعات صندیغه ۴۰ یاریم تقسیط ابله ۱۸۷۴۶۰۰۳ فرانق اوده به جک و بو تقسیطلر متعاقب سنه بودجه لرینه وضع و ترقیم ایدیه جک ایدی . مع التأسف بودجه آچیقلمی ۱۹۰۳ سنه سندن اعتباراً بو عملیاتک تعطیلی ایجاب ایتدی . و تودیعات صندیغی تقاسیط سنویه ابله تأدیسه لازم کان رانتلری کری آلدی . بو سیسته مک قبول ایدلدیکی ایکی سنه طرفنده احما ایدیلن $\frac{3}{4}$ فاضلی رانتلر یووارلاق حساب ابله $\frac{1}{4}$ میلیون رسیده اولشدرکه تقریباً ۴۲ میلیون قرائلق بر سرمایه اعتباری به معادلر .

بو تجربه نك موفقیتسزلیکی آجیق بر صورتده کوستر مشدرکه مقاوله به مربوط اولان آمورتیسمان آنجق بودجه نك وضعیتی ممنوتی بخش اولدیغی تقدیرده اینی نتیجه لر و برر : انکلیز حکومتی طرفندن آلدیه ایدیلن موفقیت تعقیب ایتدیگی اصولدن زیاده بریتانیا احوال مالیه سنده کی صلاحدن ایلمی گلشدر .

مع هذا ۱۹۰۸ سنه سندن بری یکی بر تجربه اجرا ایدلمکده در . ۱۹۰۸ سنه سی موازنه قانونی (۲۴ - ۲۵ نجی ماده لرده) یکیدن ناظر اولان موسیو (قایو) به پوسته تصرف صندغنک جزداننده ۲۶۵ میلیون سرمایه بی ارئه ایدن بر راتی آلمق و احما ایتک ایچون مآذونیت ویرمشدر . [*] تودیعات صندیغه ۲۹ تقسیط سنوی ابله بورج اوده نه جک و بونک ایچون بودجه لر ۱۵ میلیون بر تخصیصات آچیه جقدر . مع هذا مجلس اعیانک موازنه انجمنی بر طاقم قیود احترازیه در میان ایتشدر . اوده ۱۹۰۸ سنه سی بودجه سنده آنجق استقراض ابله تأمین موازنه ایدلدیکی ایچون آمورتیسمان ایچون مساعد بر زمان دکلد .

ثامناً قابل اطفا استقراضلر . — فرانسه دولتی معین زمانلرده قرضه کشیده سیله قابل اطفا استقراضلری دخی استعمال ایتشدر . بو اصولک برنجی تطبیقی ۱۸۷۵ ده کی تحویله قدر مورغن استقراضنده کوریلیر . ایکنجی تطبیقی ده ۱۸۷۸ دن اعتباراً سه ری [*] بو ۲۶۵ میلیون رقمی ۱۹۰۱ سنه سنده چین سفری ایچون اخراج ایدلمش اولان $\frac{3}{4}$ فاضلی دائمی استقراض یگونیدر . بو استقراض بدایه تودیعات صندیغیه اجرا ایدیلن بر صورت تسویه به نظراً چین طرفندن تأدییه ایدیه جک تضمینات تقاسیط سنویه سیله اوده نه جک ایدی . چین تضمیناتی متعاقب بودجه لک تأمین موازنه سی ایچون استعمال ایدیه جکندن ۱۹۰۸ سنه سی موازنه قانونک دیگر اساسات اوزرینه تکراروضع و تأسیس ایتدیگی معامله حقیقت حالده ۱۹۰۱ سنه سنده تصور اولنان معامله ایدی .

ایله قابل اطفافا ۳٪ فائضی اوبلیغاسیونلر اخراجی در. بونک صوک آلق سهریسی ۱۹۵۳ ده اوده نه جکدر . ۱۹۱۴ ده ۳٪ فائضی و ۲۵ سنده سنوی قرعه کشیده سیله اطفافا ایدیلجک یکی بر استقراض نهایت ۱۹۲۰ سنده ۶۰ سنده قابل اطفافا ۵٪ فائضی استقراض . مقاولهیه مربوط تکمیل بو مختلف طرز آمورتیسمانلر بودجه لرمزه عظیم بار اولمقده درلر .

زیرا بودجه لرك توزیننده پك زیاده مشکلاته تصادف ایدلمکده اولوب دائماً عقد اولتان استقراضلر وضعیت مالیه لری صارصمقده در ۱۹۲۰ سنه سی بودجه سنده وضع وترقیم اولتان رأس المال تأدیاتی یوزمیلیوندن فضله در . - ۳٪ فائضی قابل اطفافا استقراضلر هر آمورتیسمانی یالکز باشنه ۵۰ میلیون فرانق ایسته مکده در . [*]

بونک ایچون دیگر طرفدن یوکسك فائضلره استقراض عقدینه مجبور اولمقده یز . مقاولهیه غیرمربوط مجبوری آمورتیسمان . - مقاولهیه مربوط آمورتیسماندن مجبوری فقط مقاولهیه غیرمربوط آمورتیسمانی تفریق ایتمک کرکدر . بوراده دولت داینلرینه قارشى مقید دکدر، لکن بالذات کندی حرکتیله و بر قانون ایله تقید ایدر . بوقانون بعض منابع وارداتک آمورتیسمانه تخصیصی آمردر بنا برین بوبابده اتحاد ایتدیکی قراردن رجوع ایتمکده واحوال تبدل ایدر سه آمورتیسمان حقنده وضع ایتدیکی قانونی ده دکشدیرمکده والفا ایتمکده سربستدر . بعض دفعه آنجق مشروطاً تعهد آلتنه کیر : مثلاً قانون بودجه فضله لرندن بر مقدارینک آمورتیسمانه تخصیصی امرایلر . یعنی آنجق بودجه فضله سی اولدینی زمان آمورتیسمان اولور . احواله حقیقته اختیاری آمورتیسمان صره سنده داخل اولورز . اختیاری آمورتیسماندن قریباً بحث ایده جکز .

یاخود دولت بلاقید و شرط تعهد آلتنه کیر : قانون هر نه اولور سه اولسون همه حال آمورتیسمان اجرا اولونماسی امرایلر بوحالده مجبوری آمورتیسمان مقاولهیه مربوط آمورتیسمانه توجه ایدیلن تنقیدانه معروض اولور . اکر دولت قانونک امرینه اتباع ایلر سه بودجه نك آجیق اولدینی زمان دخی آمورتیسمان اجرا ایتمسی لازم کلیر که نومه ناسزدر :

[*] بوراده یالکز بورجك رأس المال تأدیاندن بحث ایدیورز . یوقسه فائض تأدیاتی موضوع بحث دکدر . ۳٪ فائضی قابل اطفافا استقراضلر مرتبات سنویه سی ۱۹۰۹ بودجه سنده ۱۵۶۲ میلیون اوله رق محرر ایدی . بوتقسیط ۱۹۱۰ قانونیله آتیده ایضاح ایده جکمز بر قومینه زونه نظراً ثابت برحاله افراغ ایدلی .

اگر حکم قانونه رعایت ائمه مکّه مجبوراً و لورسه آمورتیسمان مجبوری اولوق فضیلتی غائب ایدر . و منتظماً بلا انقطاع اجرا ایدله چکی فکر بله تنظیم اولنان آمورتیسمان پلائی اخلال ایدلمش اولور . آلمانیا امپراطور لئی صوک محاربه دن اول ، بو صوک اصولی واسع بر صورتده استعمال ایتمشدر . ۱۵ حزیران ۱۹۰۹ تاریخلی قانون ایله تعدیل اولنان ۳ حزیران ۱۹۰۶ بودجه قانونی بواصولی امر ایتمکده اندی . مستقبل بودجه لک کافه سی هیچ اولمازسه بورجک یوزده برینه مساوی برآمورتیسمان تقسیطی حاوی اوله جق ایدی . آئیده کی تکمیل استقراضلر ایچون استقراضک موضوعی مصارف مئمره اولوب اولماسنه کوره % ۳ ویا ۱,۹ بر تقسیط سنوی قوللق ایجاب ایدر .

اشبو تقاسیط سنویه رأس المالك تدريجاً تناقصندن ناشی بوش قالان فاضلرک علاوه سیله هر سنه تراید ایلر و موجود بورجک ده ۴۳ سنه ده و مستقبل استقراضلرک دخی حاله کوره ۳۰ ویا ۲۲ سنه ده اطفاسی تأمین ایدر فرانسه ده ۱۹۱۰ سنه سی بودجه قانوننک ۷۸ نجی ماده سی % ۳ فاضلی قابل اطفارانتک تقسیطنه بوکامشابه برنسپلردن ملهم اوله رق اوتوماتیک برآمورتیسمان عملیه متممه سی علاوه ایله مشدر . اکثر یا تنقید ایدیلان بر قومینه زوندن ناشی بوصول استقراضک یوکی متعاقب بودجه لره پک غیر مساوی بر صورتده توزیع ایدلمشدر . ۱۷۵ سهری سهام اوزرینه تقسیم اولنمشدر . ابتدا قرعه کشیده سیله هر سنه بر سهری اطفایلدیکه باشلانیمشدر . ۱۹۰۸ دن ۱۹۲۶ تاریخنه قدر ایکی سهری به قرعه کشیده ایدلمکده در ۱۹۳۸ سنه سنه قدر ۳ قرعه چکیله جک ، صکره دوت ، صکره بش واک صوک کشیده ده آلتی سهری چکیله جکدر . بوندن شو نتیجه حاصل اولور که هر دوره ظرفنده کچن سنه آمورتی ایدیلان سهامک یکونی قدر هر سنه یوک خفیفله ر بالعکس بر دوره دن دیگر دوره به کچیلر کن یوک بردن بره زیاده لشیر و بر سهری فضلہ کشیده ایدیلنجه به قدر بوزیاده لک دوام ایلر .

ایشته ۱۹۱۰ سنه سی موازنه قانوننک استعمال ایتدیکی بو خصوصیتدر . دوره ظرفنده هر سنه تناقص ایدن تقاسیط برینه بودجه به ثابت بر تقسیط یازیله جق : بر قسمی % ۳ فاضلی قابل اطفارانتک آمورتیسمانه دیگر قسمی - که برنجی قسم تناقص ایتدیکی درجه ده کندیلکندن تراید ایدر - حزینه نک سائر بورجلرینک اطفاسنه تخصیص اولنه جقدر . ۱۹۲۶ تاریخنه قدر بوضورتیه یکیدن ۲۰۳ میلیون آمورتیسمان اجرا اولنه جقدر . ۱۹۲۶

ده انتقال بلا مشکلات اوله جقدر . چونکه بر سه ری فضله نك کشیده سی ایچون ایجاب ایدن فضله تخصیصات یکمیش سنده خزینه نك بشقه بورجلرینك اطفاسی ایچون استعمال اولنان تخصیص ایدن صرف اوله جقدر . بوقومینه زون یکی دوره ده دخی عینی اساس دائره سنده تکرار ایدیه جکدر .

کوردیکی وجهه بو اصول مقاوله به مربوط بر آمورتیسمان اصولی دکدر . زیرا دولت اسهامک تنزیلی صورتیه بوش قالان مبالغی دیگر آمورتیسمانلره تخصیص ایتک ایچون آنحق کندی کندیته تعهد آلتنه کیرمشدر . بو اوتومانیک بر آمورتیسمان اصولدر و آنحق بودجه نك وضعیتی نه اولورسه اولسون بلا انقطاع اجرا ایدمک شرطیه تام تاثیرینی کوستره بیلیر . بو سیستمک ضعیف نقطه سی بودر والیوم تطبیقی فرانسیه یك آغیر کلکده در . زیرا بر آلدن بورج اودندیکی حالده دیگر آلدن دها یوکسک فائضه بورج آلتقه در .

۳ . -- بودجه فضله لرله اختیاری آمورتیسمانه

ایضاحات سالفه دن چیقان نتیجه شودرکه هر درلو تنقیددن آزاده یالکیز بر آمورتیسمان اصولی واردر ؛ اوده بودجه فضله لرله اجرا اولنان اختیاری آمورتیسماندر . مالیه ناظری بودجه سنده آمورتیسمان فصلی ایچون بر تخصیصات آچیلور . یاخود حساب قطعی اثناسنده پارلامنتو تحقق ایدن بودجه فضله لرینی بورجک اطفاسنه تخصیص ایلر . بو اصول فی الحقیقه معقول اولان بر طرزدر . زیرا منابع واردات اولمادجه بورج اطفاس اولنه ماز ؛ بشقه صورتیه اولورسه اسکی بورجلری تأدیه ایچون یکی بورجلر عقد اولنورکه بو بر معنا افاده ایتمز . فعلیاتده دخی مجبوری و مقاوله به مستند آمورتیسمان انکلتیره و آمر بقاده بودجه آچیلری مساعد اولمادجه نتایج مفیده ویرمه مشلدر . یالکیز اختیاری آمورتیسمان ، اختیاری اولمستندناشی پارلامنتونک بورجلرک تنزیلی حقنده دائمی بر عزمی اولمستی ایجاب ایدر . بو عزم ایسه هر وقت بولنه ماز انکلتیره نك مثالی ارايه ایتدیکی وجهه پارلمنتونک اطفای دیونی کندی کندیسه بروظیفه عد ایده جک درجه ده پارلمنتونک بصیرتکار اولمسی ایجاب ایدر .

هینی زاده صبر حسین

علم مالی وقوانین مالیه مدرسی

